
XXX Certame literario MANUEL ORESTE RODRÍGUEZ LÓPEZ do Concello de Paradela

Chegamos á edición XXX do Certame Literario Manuel Oreste Rodríguez López, que convocamos desde o Concello de Paradela na honra do noso Fillo Predilecto, que irmandou Galicia e Catalunya a través da información e da Cultura, e representa un facho de luz que alumea ás terras e xentes de Paradela.



Foi unha excelente iniciativa a que este concello, xunto cun grupo de amigos e Santiago Rodríguez, o seu fillo, emprendeu para gardar e difundir a memoria de Manuel Rodríguez López, convidando aos creadores literarios da nosa máis ampla contorna a escribir -poesía ou prosa-, motivados pola figura e a obra do noso primeiro escritor, e cada edición que culminamos é un chanzo máis na interminable tarefa que nos propuxemos para honrar a quen dá nome ao noso Certame Literario.

Agradecemos a todos os concursantes os traballos aportados ao Certame, e damos os parabéns máis entusiastas a aqueles que o Xurado seleccionou para recibir os premios instituídos. E sempre temos un agradecemento especial cara a familia de Manuel Rodríguez López e de Santiago Rodríguez López, e aos membros do Xurado polo traballo desenvolvido, edición tras edición, para xulgar os numerosos orixinais que concorren ao Certame.

Coroada a edición XXX do Certame, rematado o prazo de presentación de traballos para a XXXI, de novo estamos en marcha, en pé de prosa e poesía, para facer realidade unha nova colleita literaria baixo a bandeira galega, paradelense e amiga, de Manuel Rodríguez López.

Paradela, polo mes de decembro de 2025.

Montserrat Mulet Sar
Alcaldesa de Paradela